

B. N. C.
FIRENZE
1033
35



1033 35

XXXVII

POGIAN

1002




41

XXXVII

PUGIAT

LAVDATIO
MARCELLI II.
PONT. MAX.

PER IVLIVM POGIANVM
AD SACRVM COLLEGIVM RECITATA.



SVPERIORVM PERMISSV.

R O M A E,

Apud Ascanium, & Hieronymum Donangelos.

M. D. XCII.

103335

PONT. MAX.
MARCELLI II.
LAVDATIO

AD SACRAM COLLEGIUM RECITATA.
PER IVLIVM BOGIANVM



27 FEBRUARY 1952

Я О М АЕ

John A. Smith & Henry H. Townsend.

M. D. X C I I.



V. Æ. res ad dicendum dux, facultatis plurimum
afferre solent, hæc me maxime deficiunt, Patres
Amplissimi; præstatis ingenij vis, & maturi tem-
poris adiumentum. Quod sane incommodum,
græue quidem illud omni tempore, sed tamen in
hac causâ ita impedit, vt, quæ argumenti ratio,
vel ingenij mei tarditati, orationis copiam antea
suppeditasset, hodierno die a dicendo maxime
detegreat. Etenim Marcelli Pont. Max. vita lau-
danda est, vel potius deploranda mors, quæ sum-
mo Principi, & parenti omnium optimo, alienissimo Christianæ Reipubl.
tempore repente allata, incredibilem luctus, & mæroris acerbitem, pijs,
& bonis omnibus importauit. Ergo communis huius casus, & orbitatis do-
lor, proprius etiam aliquis meus, propter summam erga eos beneuolentiâ
& obseruantiam, ad quos mæror potissimum pertinet, sic mentem & lin-
guam perturbât, vt in immenso campo laudum, & virtutum Marcelli Pont.
Max. morfu doloris interrupta, sæpius herere cogatur oratio. Sed, quoniam
me huic impositæ necessitati, vel in tantis & temporum angustijs, & animi
molestijs parere oportet: primum, magna illa spe proposita, fore aliquan-
do, vt præstantissimi huius Pont. vita, per se quidem satis immortalitati cõ-
mendata, a præstanti tamen aliquo in scribendo, aut dicendo homine, lau-
dis & gloriæ causâ, tamquam singularis ad celebrandum materia, deliga-
tur, quod res postulat, in præsentia faciemus, vt ex eiusdem eximijs virtuti-
bus, quæ Christiano nomini semper vsui, & ornamento fuerunt, quæcûque
in mætem venerint, grata, vt debemus, piaq. memoria prosequamur. Atque,
vt inde exordiar, vnde laudationum ratio fere ducitur, Primum Marcellus
Cervinus, honesto apud suos genere natus, vt natura quadam graui, & seue-
ra, sic illustri ingenio & industria fuit. itaque ad eam morum grauitatem,
quæ naturalis in ipso videbatur, & ad domesticæ disciplinæ sanctitatem, si
doctrinæ subsidia iam accessissent, magna tû spes erat, illum ipsum ad sum-
mam honoris, atque Imperij, dignitatem esse venturum. quare, puerilibus,
disciplinis celeriter instructus, cum diuina illa virtus contineri iam non pos-
set, angustis patris sinibus, sed maius theatrû, quo se vniuersam profunde-
ret, requirere videretur, Marcellus, Senas, vbi bonarum artium studia max-
ime florebant, profectus, tantum breui affecutus est, vt non modo ijs, quæ
in ea vrbe, in optimo quoque studiorum genere præstarent, tãquam floscu-
lis vndique delibatis, sed onerato, & completo pectore, varietate magnarû
rerum, atque artium, Româ peruenit: atque, vt primum cœpit, in hac ciui-

rate versari, se ad bonos in primis, & eruditos viros contulit. neque vero statim cognita non est singularis illa doctrinæ vis, probitatis, atque prudentiæ: quin etiam, cum talis inde existeret oratio, quæ verborum numero, sententiarum, vel oraculorum potius, numerum assequeretur, erupit illico ad hominum existimationem, & admirationem, neque multis ipsius modestiæ quasi cancellis coerceri potuit Marcelli incredibilis fama virtutum. Quam ob rem Paulus Pont. Max. oblatum sibi clarissimum illud animi, & ingenij lumen arripuit, & ut erat ingeniorum existimator ætërrimus, tantam gloriæ segetem, & materiam, otiosam, aut incultam, iacere, non est passus. & quidem divina tum fuit opportunitas, nam, cum sapientissimus Princeps, curam illâ, cogitationemq. suscepisset, ut imaginem animi, & consiliorum suorum, Alexandrum Farnesium Cardinalem, tum quidem admodum adolescëntem. sed præmatura ingenij vi, in auitæ laudis spem, atque iter ingressum, ad eos, quos sibi ipse fines antea semper constituerat, dirigere, & confirmari vellet, Marcellum, in quo sui similitudinem quandam amabat, & admirabatur, iuueni moderatorem, & ministrum adhibuit. Hunc igitur, tum quattuor, & triginta annos natum, excitatum a doctrinæ studiis, Pontificiæ scriptioni, & Reip. procuratori præfecit: quibus in actionibus ita se gessit, ut, cum cetera Paulus laudaret, prudentiam, & auctoritatem obstupefceret. Nullum enim iani negotium, nulla Legatio, nulla Christianæ Reip. pars, Marcelli consilio, & viribus non digna videbatur. itaque nihil domi per ea tempora; nihil foris, vel egit Pontifex, vel agere cogitavit, in quo Marcelli aut sententia, aut opera non vteretur. Ac primum ad Cæsarem in Hispaniam consolandi gratia cum amplissimo adolescëte a Pontifice missus, sic inde discessit, ut Cæsari, in domestico coniugis luctu, suæ, & prudentiæ, & eloquentiæ incūdum relinqueret desiderium. Post, ornatissimo iuueni, ad Cæsare, & ad Galliarum Regem maximis de rebus proficiscenti, iterum administer datus, tantam nauavit operam, quantam, in summo Pontificis studio, difficillima negotiorum, & rerum ratio postulabat. Hic mihi occurrūt, Patres Amplissimi, & quasi manus iniiciunt, actuosæ illæ, & fructuosæ nomini nostro, in summorum Christianæ Reip. Principum congressibus, & colloquijs, explicatæ Marcelli virtutes, ingenium in excogitando, consilium in providendo, in exponendo gravitas, in docendo facilitas, in persuadendo vis, in agendo industria, in consiciendo celeritas. Sed cum fere singula Oratoris ingenium, artemq. desiderant, cum ipse, præter ingenij impedimētum, urgeat etiam tempore, totum id in præsentia, in vestra omnium opinione, & cogitatione, relinquitur. Sed, cum totis, tantasq. res, quadriënij spatio, mente, & oratione perfecisset, quot & quantas mihi cogitare difficile est, enumerare dicēdo nullo modo possim, sapientissimus Pontifex, qui non minori remunerandæ virtutis, quam exercendæ, studio tenebatur, cum absentem Marcellum, quem iam antea Episcopum fecerat, eximia prius hominis fide, atque prudentia, frequentissimo senatu, singulari verborum genere, commendata, Cardinalem renuntiavit, tum clarissimo, & optimo nepote reuocato, hunc ipsum, eius Legationis munere decoravit. Habuit omnino hoc Paulus Pont. præter cetera virtutum ornamenta præcipuum, & proprium bonum, ut non magis

honori-

honoribus viros, quàm honores viris honestaret. Neque vero ad rem exemplis comprobendam quemquam alium nominabo, præsertim cum & hæc causa, vno contenta Marcello, requirât præterea neminem, & vnicuique, in amplissimum istum consensum æquo animo intuenti, facile Paulus seminarium optimorum Pont. in vestrum ordinem intulisse videatur. Sed redeo ad Marcellum, qui tum noua amplissimi honoris accessione, tum veteri dignitate, & auctoritate, quàm non ætas attulerat, sed natura impresserat, doctrinæ ratio auxerat, vitæ, & actionum æqualitas cõfirmarat, hoc inquam dignitatis, & auctoritatis pondere, cum iam antea pacis, aut certe indutiarum, patrociniū suscepisset, arma de manibus iratorum Regum extorsit, & eisdem in Pont. Max. rationem, sententiamq. perduxit. Quare, difficili in primis negotio recte, & salutariter confecto, ad urbem est accersitus. Nota sunt vobis, Patres Amplissimi, quæ postea sunt consecuta. Scitis Reip. curam, & tractationem, vel ipsi a prudentissimo Pont. creditam, vel certe cum eo cõmunicatam. Religionis administrationem delatam ad eundem, meministis. Quam cum ipse virtutem, vel potius virtutum omnium procreatricem, & dominam, veneretur, & coleret in primis, tantam propterea admirationem habebat, & venerationem, vè vel ij, qui a Catholica fide, aut a sacris ritibus, abhorrerent, non tam iudiciorum seueritate deteriti, quam exemplo sanctitatis adducti, & sua scelera recognoscerent, & impijs sublati erroribus, ad sanitatem redirent. Quid ea commemorem, quæ ad Tridentinum Concilium, quò Legatus a Pont. Max. venerat, sunt in omnium oculis, atque auribus, cum summa Christianæ veritatis, & pietatis defensione, celebrata? Quid dicam de eiusdem libertate, quæ propria est vestri ordinis, in Pontificia potestate, & auctoritate tuenda? Hæc enim nimirum res tantam vim habuit ad excitandam, & propagandam Marcelli laudem, atque existimationem, vt non iniuria Tridentinæ illius actiones summum eidem Pontificatum peperisse videantur. Verum vtar hoc loco ea clausula, Patres, vestra, vt spero, voluntate, & approbatione; Marcelli Cardinalis vitam, communis sententia; doctrinam, eruditorum testimonio; ciuilem gubernandi scientiã, Pauli Pont. Max. iudicio, satis esse comprobata. Sed incurfat iam sæpius in me dolor, in hac Marcelli virtutum cõmemoratione. nam occupatur animus cogitatione communis acerbitalis. quem tamen ita dolorem comprimam, si potero, vt, nisi necessario loco, non patiar erumpere. Secutum est igitur illud tempus, cum, Paulo mortuo, Iulius Pont. Max. est renuntiatus. cuius sane comitijs, & Marcelli rationem habuistis, & quo Iulium honore merito suo, affecistis, dignissimum illam etiam indicastis. De quò quid Iulius postea & dixerit, & senserit, cum eiusdem honorificentissima comprobant testimonia, tum eo facile declaratur, quod in maximis, difficillimisq. rebus, Ceruini Cardinalis sententiam Iulius requirebat, & eiusdem consilio libenter utebatur.

Sed, quoniam Marcelli Cardinalis admirabiles eas virtutes, quæ in publicarum rerum administratione floruerunt, leuiter attigimus, percurramus illas etiam, quæ, ab incredibile naturæ bonitate profectæ, partim eandem habent admirationem, partim incunditatē, cum pari splendore cõmunicam.

Quis

Quis enim umquam fuit, ut a beneficentia initium faciamus, qui miseriam, vel inopem bonorum, aut studiosorum fortunam, consilio magis, aut opera, aut facultatibus, subleuaret? Hanc hominis benignitatem, cum assidue multorum voces prædicant, tum eruditorum virorum litteræ testantur. Et, quoniam fructuosa permultis fuit altera quædam ratio, & doctrinam, religionemq. complectitur, minime eam prætereundam duxi. Erat Cerninus Cardinalis vel in maximis occupationibus mirifice studiis deditus, ut non plus olim in comparanda doctrina operæ, aut industriz posuerit, quam nunc in fruenda elaboraret. Quam industriz, ac vigilantissimi viri laudem cum iam diu Paulus spectatam, & cognitam habuisset, nouum illi quendam campum aperuit, in quo ardens illud studium, & singularis diligentia posset excurrere, nam & Marcellum Vaticanæ Bibliothecæ præposuit, & rem satis amplo verborum honore, est prosecutus; qui se cum inexhaustæ ipsius legedi cupiditati, tum propensæ eiusdem, in studiosos voluntati præclarum id munus detulisse prædicaret. Quod vero & is in Diuinis litteris acquiescebat, & maxime Græcis in eo genere scriptoribus delectabatur, bonam eorum librorum copiam, magna tum cura, tum impensa vndique conquistam, compararat. In quo non sibi satis ducebat, homo communis vtilitatis, & salutis, quam propriæ, studiosior, animæ suæ commoda inde percipere, nisi salutares eos fructus reliquis impertiret. Quamobrem etiam, ut id bonum largius pateret, ad pluresq. pertineret, Græcos illos auctores, propositis præmijs, Latine reddendos curabat. Neque tamen ex tanta beneficentia, ac benignitate, parata, & exposita omnibus, qui modo probitatis aliquam præberent significationem, quidquam ad cognatos, aut affines, id quod his & hominibus, & temporibus in illa fortuna nouum, & inusitatum videtis, præter eius laudis, & gloriæ, partem redundabat. Et, quoniam iustitia firmamentum est rerum gerendarum, & tamquam aurum Lydio lapide, sic reliquæ virtutes huiusce laudis regula comprobantur, cum ad eam normam Marcellus actiones, & cogitationes, dirigebat suas, tum in eodem summum erat innocentia præsidium, improbitati certum exitium constitutum. Quid persequar aditus, & accessus ad illum facilitatem? Quid audiendi patientiam? Quibus pimum ornamentis se ad Imperij splendorem natum semper ostendit? Quid vero grauioribus illis virtutibus admirabilius abstinentia, continentia, constantia quadam animi, quæ nullius maledicto, aut contumelia, nulla umquam aut hominum, aut fortunæ, iniuria commoueri, aut de gradu deijci potuit? Quid reliqua præstantis animi, & ingenij bona? non ne sunt, ut ad imitandum, sic ad enumerandum difficillima? Hunc vos, Patres Amplissimi, Diuinum, & plane cælestem virum, vobis antea semper amandum, semper observandum proposuistis: hunc proximis comitijs, nihil molientem, nihil denique tale cogitantem, tanto omnium vestrum studio, tanta consensione, Pont. Max. declarastis, ut plane significaretis, Spiritus sancti afflatu, vos in eam rationem, esse deductos. Quod non modo comprobauit lætitiæ fructus is, quem apertissime præsentis tulistis, sed incredibile eius rei gaudium omnium gentium, ætatum, generum, ordinum. Quin etiam in Marcelli Pont. Max. renuntiatione, morum disciplina, litteræ, bonæ artes,

accepto

necepro testis in mortuis, sese ad veteris dignitatis recuperandam spem ere-
 xerunt. Vnus ipse Marcellus, cuius ex honore summa ad omnes actus per-
 uenerat, ut veras domos retinuit, sic eundem vastam animamq. seruauit,
 & fratris filios eodem vestitu, eodem comitatu ut voluit, quo prius assue-
 uerant, neque mirum. nam, qui equissimam illam Christi Vicarii personam,
 sibi impositam intelligebat, non iam vni Cerdinæ domui prospiciendum,
 sed vniuersæ Christianæ familiæ consulendum iudicabat, & qui tam animo
 migrasset in caelum, nihil in suis cadactis, nihil inane ferre poterat. Quare
 ad eam voluntatem, quam semper habuerat, ut prius facultas fore, veneme-
 ter incubuit, & quod in suis est iussu, ut breui cælestis illius Ecclesiæ præ-
 claram quandam similitudinem in nostra hac Ecclesiâ virtutis effluuiis. Sed o
 salmen, o fragilen, & caducam hominum condicionem: nam, qui alter ei &
 vigesimus dies ab aditu ad Pontificatum fuit, is & communem omnium
 spem, & eius saluberrima consilia repentina morte peruertit. Sol mihi pro-
 pemodum e mundo visus excidere, & sempiterna nox rebus offundi. Tãtam
 ne probitatem, doctrinam, prudentiam, sapientiam, tam improviso, atque
 inopinato casu concidisse? Quantum spei, virtutis, & bonarum artium stu-
 diosi, in Marcelli morte amissus? quantum in eo detrimenti fecistis? Iccirco
 ne tot litterati viri, tot optimorum studiorum principes, relicta patria, con-
 iugibus, liberis, lætitiâ exultantes, sese ad Marcelli Pont. Max. nomen effu-
 derunt, ut, suo ad Urbem aduentu, vix, quid sperarent, aut ne vix quidẽ,
 dispicerent? O summam naturæ rerum, temporis momẽto, commutationem,
 O miseram, & infelicem hanc Urbem, abiectas, & afflictas, prouincias, quæ
 Marcelli obitu non iam patronum, aut propugnatores acerrimum, sed tu-
 torem fidelissimum, atque adeo parentem optimum, & amantissimum, re-
 quirunt. O funestam, & plane miserabilem Marc. Pont. Max. familiam, quæ,
 vnde summas, opes honores, lætitiæ fructum, ceteri consequuntur, inde ino-
 piam, solitudinem, luctumq. percepisti. Quamquam, ut vere dicam, in ea-
 dem re grauissima vos plaga perculit, Patres Amplissimi. Siquidẽ, quod no-
 bis in primis gloriosum fuerat, id repente ereptum est. Quæ enim vniquam
 Pontificia suffragia, summis, mediocribus, infimis iucundiora? quæ comitia
 ad laudem, & gloriam fuerunt illustriora? Iure igitur, ut lacrymas in Marc.
 Pont. Max. renuntiatione præ lætitiâ profudistis, sic nunc in eiusdem morte
 præ dolore sletum continere non potestis. Vtinam, Marcelle Sanctissime,
 in priore illo & honore, & fortuna potius viueres, quam ex altissimo di-
 gnitatis gradu in tãto omniũ gemitu subito casu deiectus iaceres. Sed, quid
 ago? aut in quem me errorem prouehit dolor? An non intelligo, quid Chri-
 stiana veritas, ac pietas, requirant? quid huic loco, quid cõfessui vestro con-
 ueniat? quid postulet a me beatissima, de cælo anima? Nihil est, inquit,
 quod lacrymas commouere studeas. mecum præclare actum est: meis, si
 modo & me ipsum intueri, & quæ ijs præscripta est a me viuendi ratio, eam
 tenere voluerint, nusquam deerit Diuina benignitas. Quod vero vnũ mihi
 maximæ curæ est, a Patribus Amplissimis, atque adeo fratribus meis peto,
 ut eã adhibeant in Pont. deligendo celeritatem, & prudentiã, quam & mune-
 ris omniũ in terris optimi, & maximi, & temporis difficillima ratio postu-
 lat.

tat. Illum autem, quem Pont. Max. Diuino consilio renuntiarint, oro, atque
 obsecro, vt, cum nihil antiquius Ecclesie dignitate, nihil potius Christi di-
 sciplina habuerit, illos ipsos, qui meum discessum ex ista vita maxime do-
 luerunt, meos inquam, non cognatione, aut affinitate, sed animo, studijs,
 & voluntate, meos, suos ducat, illis faueat, illis opituletur. Atque hæc nou-
 iam flens, aut perturbatus, vt ego nunc, sed eadem illa mentis, & oratio-
 nis, tranquillitate loquitur, qua semper antea dicentem audiuistis. Quam
 obrem, Patres, non dubito fore, quin, vt Marcelli Pont. Max. precibus obse-
 quamini, qui non mortuus, (neque enim moriuntur, qui ex Dei voluntate
 vixerunt) sed animo viuens, & præsens id a vobis vehemēter expetit, quod
 & vestra, & Christianæ Reip. maxime interest, eum Pont. Max. deligatis,
 qui, in tristissimo omnium Marcelli desiderio, eiusdem nobis animum, &
 vitam, repræsentet.

D I X I.



1033.35





